

ოზურგეთის მუნიციპალიტეტის საკრებულოს წევრის - ნუგზარ ურუშაძის

ან გ ა რ ი შ ი

საანგარიშო პერიოდი: 2015/01/01 -2016/01/01

2015 წლის 1 იანვრიდან 31 დეკემბრის ჩათვლით, მონაწილეობა მივიღე საკრებულოს 21 სხდომაში, რომელთა მიმდინარეობისას მიღებულ იქნა 98 განკარგულება, დამტკიცდა 46 დადგენილება. ვარ ფრაქცია „ქართული ოცნება-დემოკრატიული საქართველო“-ს, ასევე სივრცით-ტერიტორიული დაგეგმარებისა და ინფრასტრუქტურული კომისიის და აგრარული საკითხთა, ქონების მართვისა და ბუნებრივი რესურსების საკითხთა კომისიის წევრი.

დავესწარი და აქტიური მონაწილეობა მივიღე აღნიშნული კომისიების 45 სხდომაში, სადაც მიღებულ იქნა სხვადასხვა საკითხებიდან გამომდინარე კომისიების დასკვნები და რეკომენდაციები. საკრებულოს კომისიების მიერ განხორციელდა ოზურგეთის მუნიციპალიტეტის ადმინისტრაციულ ერთეულებში „სოფლის მხარდაჭერი პროგრამის ფარგლებში“ განხორციელებული და განსახორციელებელი ინფრასტრუქტურული პროექტების შესრულების მიმდინარეობის კონტროლი. აღმასრულებელ ხელისუფლებასთან ერთად კოორდინირებული მუშაობით, მივაღწიეთ და საფუძველი ჩაეყარა სოფ. მერიაში ე.წ. ყოფილი „სამხედრო ქალაქის“ მრავალბინიანი საცხოვრებელი სახლის რეაბილიტაციას, რომელიც 90 უსახლკარო მაცხოვრებელზეა გათვლილი.

საკრებულოს მუშაობის პერიოდში ჩემს მიერ მხარდაჭერილი იქნა თითქმის ყველა ინიციატივა, მაგრამ რაც შეეხება აღმასრულებელი ხელისუფლების პროექტს - მიწაზე ქონების გადასახადის გაზრდის შესახებ, უარი ვთქვი. ასევე მინდა იმ მნიშვნელოვან პროექტს შევეხო, რაც ურეკი- შეკვეთილის ტურისტულ-სარეკრიაციო კომპლექსის განაშენიანების გენერალური გეგმის დამტკიცებას ეხება. ჩემი სუბიექტური აზრია ამ პროექტთან დაკავშირებით: სანიტარული ზოლის 10 მ. -ით გაზრდა, ადგილობრივ მოსახლეობის უკმაყოფილებას გამოიწვევს.

მინდა მოგახსენოთ, რომ 2015 წელს დაახლოებით 2 მილიონით გაიზარდა ბიუჯეტი ადგილობრივი შემოსავლების ხარჯზე და 9 მლ. ნიშნულს გადააჭარბა. პრორიტეტებად განისაზღვრა ინფრასტრუქტურის მშენებლობა-ექსპლოატაცია და სკოლამდელი განათლება. ბიუჯეტში ამ მიმართულებით თანხები გაზრდილია.

მინდა შევეხო სოციალური დახმარების პროექტებს. განსაკუთრების c ჰეპატიტის პროგრამას. ეს კონკრეტული ინიციატივა ფრაქცია „ქართული ოცნება-დემოკრატიული საქართველო“-ს ეკუთვნის, რომლის წევრი მეც გახლავართ. გეტყვით, რომ ბიუჯეტში გათვალისწინებული გვაქვს ჰეპატიტით დაავადებულ პირებისთვის მკურნალობის ტაქტიკის განსაზღვრისთვის საჭირო კვლევების სრული დაფინანსების ხარჯები. ბოლოს 2016 წელს დაგეგმილია სერიოზული ინფრასტრუქტურული პროექტების განხორციელება. მუნიციპალიტეტის მოსახლეობისათვის და განსაკუთრებით შეჭირვებული ფენებისათვის სოციალური ყოფის კიდევ უფრო გაუმჯობესება და რაც მთავარია მომავალი თაობისთვის უკეთესი გარემოს შექმნა.

მოსახლეობასთან, გრაფიკით განსაზღვრული მაქვს თვეში ორჯერ შეხვედრის დღე, თუმცა, კვირის სხვა დღეებშიც ვხვდები და ვეცნობი მათ პრობლემებს, როგორც საკრებულოში, ასევე უშუალოდ ადგილზე.

ჩემს სახელზე შემოსული წერილობითი და ზეპირი განცხადებები ძირითადად სოციალური, ინფრასტრუქტურული ხასიათისაა. მოქალაქეები ითხოვენ მკურნალობის დაფინანსებას, სწავლის დაფინანსებას, სტიქიის შედეგად დაზიანებული საცხოვრებელი სახლების რეაბილიტაციას, სასმელი და სარწყავი წყლით უზრუნველყოფას, სოფლის შიდა გზების რეაბილიტაციას, გარე განათების პრობლემის მოგვარებას და სანაგვე ურნების დამატებას და ა.შ.

მე, როგორც საკრებულოს წევრი, ყველა ჩემს სახელზე შემოსული ზეპირ და წერილობით განცხადებების საფუძველზე მოქალაქეებს შუამდგომლობას ვუწევდი როგორც აღმასრულებელ ხელისუფლებასთან ასევე სხვა ორგანოებთან, უმეტესწილად მოსახლეობის თხოვნები გათვალისწინებული იქნა.

სამომავლოდ ვგეგმავ, დარგობრივ კომისიასთან ერთად, ჩემს მიერ შესწავლილი იქნას ე.წ. ქვალორდის გადამამუშავებელი კარიერების ბუნებრივ გარემოზე ზემოქმედების რისკები. ასევე, მონიტორინგს გავუწევ ქარსაცავი ზოლის შენარჩუნება-რეაბილიტაციას, რადგან ვთვლი რომ მოსახლეობის მხრიდან რიგ შემთხვევებში ფიქსირდება ვარგისი ხეების ლიკვიდაცია.

ვაპირებ, ვიმუშავო ადგილობრივ მოსახლეობასთან, ძირითადად ახალგაზრდებთან სამოქალაქო განათლების კუთხით, რათა მაქსიმალურად მოხდეს მათი ჩართულობა თვითმმართველობის განხორციელების პროცესში. ვთვლი, რომ მოსახლეობასთან უფრო აქტიური კომუნიკაცია, საკრებულოს ფუნქციონირებას გახდის უფრო ქმედითს და მოსახლეობის ინტერესებზე ორიენტირებულს.

ეს რა თქმა უნდა არ არის საკმარისი, თუმცა მე და წარმომადგენლობითი ორგანო, ასევე ადგილობრივი ხელისუფლების ყველა წარმომადგენელი, ყოველთვის მზად ვართ ვიდგეთ მოსახლეობის გვერდით. ვიმედოვნებ, რომ მომავალი წელი გაცილებით უკეთესი იქნება ჩვენი მუნიციპალიტეტის თითოეული მოსახლისთვის და საკრებულოს ყველა გადაწყვეტილება იქნება მოსახლეობის ინტერესების ამსახველი და შედეგზე ორიენტირებული.

და ბოლოს, მინდა ავღნიშნო ჩვენი ახალი გადაწყვეტილების შპს „სატისი“ - შექმნაზე, რომელიც დაგვეხმარება მოსახლეობას მოუგვარდეს წყლის პრობლემა.

დიდ მადლობას ვუხდის დარბაზში მსხდომთ ,რომ გამონახეთ დრო ჩემ, როგორც ერთ-ერთი რიგითი საკრებულოს წევრის მოსასმენად.